

Headline	PUSPAKOM edar panduan periksa teksi		
MediaTitle	Berita Harian		
Date	07 Jan 2016	Color	Full Color
Section	Nasional	Circulation	125,514
Page No	29	Readership	947,000
Language	Malay	ArticleSize	185 cm ²
Journalist	Nora Mahpar	AdValue	RM 6,353
Frequency	Daily	PR Value	RM 19,059



PUSPAKOM edar panduan periksa teksi

» *Terbitan khas beri keterangan jelas mengenai piawaian pemeriksaan*

Oleh **Nora Mahpar**

noramahpar@bh.com.my

► **Shah Alam**

PUSPAKOM Sdn Bhd (PUSPAKOM) semalam, mengedarkan 2,000 naskhah Buku Panduan Pemeriksaan Teksi kepada pengusaha dan pemandu teksi.

Terbitan khas itu bertujuan memberi keterangan lebih jelas mengenai piawaian pemeriksaan teksi, teksi eksekutif dan Teksi 1Malaysia (TEKS1M) yang perlu dipatuhi.

Ketua Pegawai Eksekutif PUSPAKOM, Mohammed Shukor Ismail, berkata susulan daripada beberapa sesi dialog bersama pengusaha dan pemandu teksi, pihaknya dimaklumkan masih ramai tidak memahami piawaian

pemeriksaan teksi.

“Justeru, kami mengambil inisiatif untuk menerbit dan mengedarkan buku panduan ini untuk memberi maklumat dan kesedaran kepada industri teksi khususnya kepada pengusaha dan pemandu teksi semasa mereka menjalani pemeriksaan berkala setiap enam bulan di PUSPAKOM.

“Kami berharap buku panduan ini dapat membantu mereka untuk lebih memahami serta mematuhi Akta Pengangkutan Jalan 1987 dalam memastikan teksi mereka berada pada tahap yang baik dan secara tidak langsung dapat meningkatkan keselamatan penumpang, pemandu dan juga pengguna jalan raya

yang lain,” katanya dalam kenyataan, semalam.

Edaran percuma

Katanya, PUSPAKOM sudah mengedarkan buku panduan itu secara percuma di Lembah Klang, Johor Bahru dan Pulau Pinang dan ia juga boleh didapati di laman web PUSPAKOM <http://www.puspakom.com.my/ms/media-a-semasa/brochures/buku-panduan-pemeriksaan-teksi.html>.

Buku panduan 11 halaman itu memperincikan tahap pemeriksaan termasuk pemeriksaan bahagian atas kenderaan; pemeriksaan bawah kenderaan; ujian pengeluaran asap; pemeriksaan ketelusan cahaya; gelincir sisi; suspensi; brek dan meter laju.

Headline	PUSPAKOM edar panduan periksa teks		
MediaTitle	Berita Harian		
Date	07 Jan 2016	Color	Full Color
Section	Nasional	Circulation	125,514
Page No	29	Readership	947,000
Language	Malay	ArticleSize	185 cm ²
Journalist	Nora Mahpar	AdValue	RM 6,353
Frequency	Daily	PR Value	RM 19,059



Mohammed Shukor Ismail